

S T A T U T
UDRUŽENJA
“Asocijacije studenata Muzičke akademije u Sarajevu”

Sarajevo, 20.10.2011.

Asocijacija studenata Muzičke akademije Sarajevo

Na osnovu člana 14. Zakona o udruženjima i fondacijama (“Službene novine Federacije BiH i Hercegovine” broj 45/02), Skupština asocijacija studenata Muzičke akademije u Sarajevu na sjednici održanoj 20.10.2011. godine donijela je:

S T A T U T

UDRUŽENJA

“Asocijacijske studenata Muzičke akademije u Sarajevu”

I OSNOVNE ODREDBE

Član 1.

Ovim Statutom regulišu se odredbe o nazivu, sjedištu i području djelovanja udruženja “Asocijacija studenata Muzičke akademije Sarajevo” (u daljem tekstu Asocijacija), o ciljevima te djelatnostima kojima se ostvaruju ciljevi, o informisanju javnosti rada udruženja, o članstvu, pravima, obavezama i odgovornosti članova, o unutrašnjoj organizaciji, o tijelima udruženja Asocijacije, njihovom sastavu, ovlastima, načinu odlučivanja, uslovima i načinu izbora i opoziva, trajanju mandata te odgovornosti članova, imovini i raspolaganju s mogućom dobiti, načinu nabavljanja imovine, prestanku te postupku s imovinom u slučaju prestanka postojanja Udruženja.

Član 2.

“Udruženje studenata Muzičke akademije u Sarajevu” je nevladina, dobrovoljna vanstranačka organizacija udruženih studenata Muzičke akademije u Sarajevu.

Član 3.

Naziv Udruženja je: Udruženje “Asocijacija studenata Muzičke akademije u Sarajevu”.

Skraćeni naziv udruženja je: Udruženje “ASMAS”.

Udruženje djeluje na području Kantona Sarajevo.

Član 4.

Asocijacija zastupa interese studenata svih odsjeka koji postoje na Muzičkoj akademiji u Sarajevu i to:

1. Odsjek za kompoziciju
2. Odsjek za dirigovanje
3. Odsjek za solo pjevanje
4. Odsjek za klavir, udaraljke, harfu i srodne instrumente
5. Odsjek za gudačke instrumente i gitaru
6. Odsjek za duvačke instrumente i harmoniku
7. Odsjek za muzikologiju i etnomuzikologiju
8. Odsjek za muzičku teoriju i pedagogiju

Član 5.

Asocijacija ima svojstvo pravnog lica.

Član 6.

Asocijaciјu zastupa i predstavlja predsjednik i podpredsjednik Asocijaciјe studenata Muzičke akademije u Sarajevu. Mandat lica za zastupanje i predstavljanje je 1 (jedna) godina, s pravom reizbora.

Član 7.

Sjedište Asocijaciјe je na Muzičkoj akademiji u Sarajevu, ulica Josipa Štadlera 1. Područje djelovanja Asocijaciјe je Kanton Sarajevo.

Član 8.

Asocijacija može saradivati sa kantonalnim, federalnim ili državnim udruženjima, te međunarodnim organizacijama koje djeluju u i van Bosne i Hercegovine. Pregovore i ostale neophodne procesne radnje izvršava Upravni odbor Asocijaciјe, koji je dužan da o tome obavijesti Skupštinu Asocijaciјe na prvom skupštinskom zasjedanju.

Upravni odbor Asocijaciјe (u daljem tekstu Upravni odbor) isto tako može odlučiti da Asocijacija istupi iz članstva organizacije (udruženja) u koja je predhodno ušla i o tome obavještava skupštinu na prvom zasjedanju.

II ZNAK I PEČAT

Član 9.

Znak Asocijaciјe predstavlja krug unutar kojeg je natpis "ASMAS"

Član 10.

Pečat je okruglog oblika a sadrži natpis: Asocijacija studenata Muzičke akademije "ASMAS", na latinici (bosanski jezik).

Način, upotreba i čuvanje pečata utvrđuje se posebnim aktom.

III CILJEVI I DJELATNOSTI

Član 11.

Programski ciljevi i djelatnosti Asocijaciјe:

CILJEVI:

- Poštovanje prava čovjeka i građana zagarantovanih međunarodnim sporazumima;
- Kontinuirano brine o statusnim pitanjima studenata u vezi sa studijem;
- Vodi računa o kulturnim i drugim aktivnostima studenata;
- Brine o studentskom standardu i pravima studenata;
- Afirmacija moralnih, naučnih, kulturnih i intelektualnih vrijednosti bosanskohercegovačkog društva i na tim vrijednostima, kao i na civilizacijskim tokovima, razvoj svestrane ljudske ličnosti;

- Uključivanje studenata u evropske i svjetske tokove života, prevazilazeći geografske i političke regionalizacije i ograničenja, kao i uključenja studenata u sve tokove obnove i razvoja Bosne i Hercegovine.
- Zalaganje za slobodu naučnog, nastavnog i obrazovnog procesa Muzičke akademije i Univerziteta, te otvorenog dijaloga sa društvom.
- Uvođenje studenata kroz obrazovni proces u naučne, stručne, kulturne i umjetničke projekte od značaja za Bosnu i Hercegovinu, evropsku i svjetsku zajednicu.
- Uspostavljanje međunarodne saradnje na naučno-stručnom, kulturno-zabavnom i sportskom nivou.

DJELATNOSTI:

- Zastupanje i prezentovanje prava i interesa studenata pred organima i tijelima Muzičke akademije, Univerziteta i državnih institucija, kantonalnih, federalnih i državnih vlasti Bosne i Hercegovine.
- Organizovanje tribina, javnih rasprava, seminara, konferencija i drugih kulturnih i obrazovnih manifestacija.
- Organizacija drugih aktivnosti i poslova značajnih za članove Asocijacije.
- Permanentne aktivnosti na ostvarivanju optimalnih uslova socijalno-zdravstvenog i materijalnog obezbjeđenja studenata, kao i stvaranje uslova za uključivanje diplomiranih studenata u proces rada.

Asocijacija može u okviru svojih djelatnosti i programskih ciljeva osnovati subjekt za privredne i druge djelatnosti, pod uslovima određenim zakonom.

Član 12.

Djelatnosti Asocijacije se mogu ostvariti kroz:

- sekcije,
- sektore,
- godine studija i
- odsjeke studija.

Ovi oblici djelovanja se organizuju na akcionom principu.

Član 13.

Načela djelatnosti Asocijacije su: poštovanje različitosti stavova, misli i ideja, sloboda izbora, samostalnost organizacije u radu, javnost i demokratičnost mišljenja te odgovornost pojedinca i organizacije za rad.

IV PRAVA I DUŽNOSTI ČLANOVA UDRUŽENJA

Član 14.

1. Članom Asocijacije postaje svaki student (bez obzira na status studiranja redovan, vanredan) samim upisom na Muzičku akademiju u Sarajevu.
2. Počasni članovi Asocijacije mogu postati studenti i profesori srodnih disciplina iz zemlje i inostranstva koji svojim radom, djelatnošću i materijalno-tehničkom pomoći doprinose ostvarenju programskih ciljeva i zadatka Asocijacije.
3. Počasne članove Asocijacije bira Upravni odbor o čemu obavještava Skupštinu asocijacije (u daljem tekstu Skupštinu).
4. Počasni članovi nemaju pravo odlučivanja u Asocijaciji.

Član 15.

Prava i dužnosti članova Asocijacije su:

1. da aktivno učestvuju u radu Asocijacije,
2. da se zalažu za poboljšanje standarda studenata,
3. da se angažuju u organima Asocijacije, daju svoje mišljenje, prijedloge i preuzimaju neposrednu odgovornost za njihovo realizovanje.

V ORGANI UPRAVLJANJA ASOCIJACIJE

Član 16.

Organi Asocijacije su:

1. Skupština
2. Upravni odbor
3. Predsjednik Asocijacije

VI SKUPŠTINA

Član 17.

Skupština je najviši organ Asocijacije. Skupština se sastaje u redovnim i vanrednim zasedanjima. Redovna zasedanja Skupštine se održavaju jednom godišnje, početkom mjeseca i ona su izborno-izvještajna.

Vanredna skupština zakazuje se po potrebi i na zahtjev:

1. Upravnog odbora
2. 1/3(jedna trećine) članova skupštine.

Predlagatelj je dužan sačiniti radni materijal za Skupštinu.

Skupština čini 25 članova Asocijacije.

Datum zakazivanja Skupštine do njenog održanja mora proteći najmanje 7 (sedam)

Odluke se donose dvotrećinskom (2/3) većinom glasova, osim kod izbora predsjednika asocijacije.

Član 18.

Skupštinu čine svi članovi Asocijacije.

Skupština kao najveći organ Asocijacije razmatra i odlučuje:

- o programu i planu rada Asocijacije,
- donosi Statut druga normativna akta, njihove izmjene i dopune,
- o finansijskom planu i završenom računu za tekuću godinu,
- o jedinstvenim kriterijima za izbor članova Upravnog odbora i Nadzornog odbora, kao i o drugim poslovima i zadacima Asocijacije,
- vodi računa o očuvanju identiteta Asocijacije u skladu sa programskim dokumentima,
- bira i razriješava predsjednika Skupštine, Upravni odbor, Predsjednika Asocijacije,
- donosi odluku o prestanku rada Asocijacije.

Član 19.

Skupštinom predsjedava Predsjednik Skupštine, koji se bira na period od jedne godine, s pravom reizbora.

VII UPRAVNI ODBOR

Član 20.

Upravni odbor je izvršni organ Asocijacije.

Upravni odbor broji 11 (jedanaest) članova i njihov mandat je 1 (jedna) godina sa mogućnošću reizbora, vodeći računa da budu zastupljeni svi odsjeci.

Iz reda članova Upravnog odbora, Upravni odbor imenuje sekretara Upravnog odbora, koji je po funkciji sekretar Asocijacije.

Upravnim odborom predsjedava Predsjednik Asocijacije a mijenja ga potpredsjednik Asocijacije.

Član 21.

Dužnosti upravnog odbora su:

- Priprema i saziva Skupštinu Asocijacije;
- Predlaže finansijski plan i izvršni račun i daje skupštini na razmatranje;
- Sprovodi odluke i zaključuje skupštinu;
- Odlučuje o načinu saradnje sa drugim organizacijama (Asocijacijama).

Član 22.

U slučaju prestanka aktivnosti jednog dijela članova Upravnog odbora (u slučaju nedolaženja ili isključenja), Upravni odbor Asocijacije između dvije sjednice skupštine može u sastav kooptirati 1/3 (jednu trećinu) članova.

Na prvoj sjednici Skupštine Asocijacije, Upravni odbor će o tome podnijeti izvještaj.

Član 23.

Upravni odbor svoju aktivnost obavlja po sektorima djelatnosti:

- Nastava, naučni rad i režim studija,

- Standard i prava studenata,
- Kulturne djelatnosti i drugo,
- Međunarodna saradnja i
- Marketing i odnos sa javnošću.

Upravni odbor može svoju djelatnost proširiti na dodatne sektore o čemu izvještava Skupštinu na prvom zasjedanju.

Član 24.

Za ostvarivanje svojih funkcija Upravni odbor formira stalne i povremene komisije. Poslovnikom o radu Upravnog odbora utvrđuju se Komisije, sastav, broj, i način rada.

VIII PREDSJEDNIK ASOCIJACIJE

Član 25.

Predsjednika Asocijacije bira Skupština neposrednim izborima, sistemom balotaže. Kandidat koji dobije nadpolovičnu većinu glasova prisutnih članova Skupštine postaje predsjednikom Asocijacije. Mandat predsjednika Asocijacije je 1 (jedna) godina, sa mogućnošću reizbora, a mandat prestaje istekom, ostavkom ili smjenom.

Član 26.

Predsjednik Asocijacije predstavlja Asocijaciju, u skladu sa članom 6. ovog Statuta, kako na Akademiji tako i van Akademije.

Predsjednik Asocijacije je i ujedno i predsjedavajući Upravnog odbora. Ovlaštenja Predsjednika Asocijacije u slučaju njegove odsutnosti, spriječenosti ili prijevremenog završetka mandata, prelaze na Potpredsjednika Asocijacije kojeg bira Skupština.

Član 27.

Predsjednik može biti smjenjen sa funkcije u skladu sa članom 12. ovog Statuta, ukoliko ne ispunjava i ne podržava osnovne ciljeve Asocijacije. U slučaju da Predsjednik Asocijacije prestane vršiti svoju dužnost, Skupština je dužna pokrenuti postupak izbora predsjednika Asocijacije u roku od 30 dana pri čemu ga mijenja potpredsjednik Asocijacije. Sve odredbe koje važe za predsjednika važe i za potpredsjednika Asocijacije u skladu sa članom 26. alineja 3.

IX SEKRETAR ASOCIJACIJE

Član 28.

Sekretar Asocijacije brine o svim administrativno-tehničkim poslovima Asocijacije kao i o njenim finansijskim poslovima.

Sekretar Asocijacije pomaže Predsjedniku odnosno Potpredsjedniku Asocijacije u obavljanu svih poslova i ima pravo uvida u sve aktivnosti i poslove Predsjednika Asocijacije, odnosno same Asocijacije.

Sekretara Asocijacije bira Upravni odbor iz članova Upravnog odbora na svojoj prvoj sjednici.

Sekretar Asocijacije se bira na period od 1 (jedne) godine sa mogućnošću reizbora.

X FINANSIJSKO – MATERIJALNO POSLOVANJE

Član 35.

Finansijsko poslovanje Asocijacije vodi se na temelju finansijskih važećih propisa.

Član 36.

Djelatnosti Asocijacije finansiraju se:

- Donacijama, dotacijama, članarinama, poklonima i dobrovoljnim prilozima;
- Namjenskim sredstvima dobivenim od državnih tijela i drugih organizacija u svrhu ostvarivanja postavljenih ciljeva;
- Iz drugih izvora u skladu sa zakonom.

Član 37.

Obim, namjene, raspodjele: potrebe finansijskih sredstava utvrđuju se finansijskim planom za svaku godinu, u izuzetnim prilikama tromjesečno, što se utvrđuje posebnim aktom. Skupština je obavezna jednom godišnje usvojiti finansijski izvještaj o radu 2/3 većinom glasova. Izvještaje priprema i u formi prijedloga dostavlja Upravni odbor.

Član 38.

Imovinu Asocijacije čine novčana sredstva, nekretnine, oprema, inventar i arhivsko-bibliotečki fond.

Član 39.

Imovina Asocijacije prevenstveno služi za ostvarivanje njegovih programskih ciljeva, te za uredno poslovanje Asocijacije.

Član 40.

Asocijacija se može pripojiti, razdvojiti ili na drugi način transformisati 2/3 odlukom Skupštine.

Član 41.

Predsjednik Asocijacije može donijeti poseban pravilnik o finansijsko-materijalnom poslovanju uz saglasnosti Upravnog odbora dvotrećinskom većinom.

Član 42.

Skupština je obavezna najmanje jednom godišnje 2/3 (dvotrećinskom) većinom usvojiti finansijski izvještaj o radu. Izvještaj priprema i Skupštini dostavlja Upravni odbor Asocijacije.

XI JAVNOST RADA ASOCIJACIJE

Član 43.

Rad organa i radnih tijela Asocijacije je javan.

Javnost rada se obezbjeđuje putem javnih sjednica, stalnog i blagovremenog obaveštavanja javnosti preko sredstava informisanja.

Javnost rada Asocijacije ostvarije se:

- Pravovremenim i kvalitetnim izvještavanjem članova o radu Asocijacije, pisanim izvještajima na posebim skupovima, putem oglasne ploče i na druge načine;
- Putem sredstava javnog informisanja.

Radi potpunije obaveštenosti javnosti i članstva Asocijacija može izdavati periodična obaveštenja, biltene, časopise i drugo u skladu sa zakonskim propisima.

XII PROMJENA STATUTA ASOCIJACIJE

Član 44.

Statut, izmjene i dopune Statuta može predložiti Upravni odbor, 1/3 (jedna trećina) članova Asocijacije i jedan od akcionih oblika.

Statut, izmjene i dopune Statuta donosi Skupština na kojoj je potrebno da bude prisutna natpolovična većina članova, a Statut, odnosno izmjene i dopune smatraju se usvojenim ako se za njih izjasni 2/3 većina prisutnih članova.

XIII PRELAZNA I ZAVRŠNE ODREDBE

Član 45.

Za tumačenje ovog Statuta nadležna je Skupština Asocijacije.

Član 46.

Pitanja koja nisu pobliže uređena ovim Statutom mogu se urediti drugim propisima Asocijacije.

Član 47.

Ovaj Statut stupa na snagu danom njegova usvajanja na Skupštini Asocijacije.

XIV PRESTANAK RADA ASOCIJACIJE

Član 48.

Asocijacija prestaje s radom prema odluci Skupštine pri čemu će se odlučiti i o imovini Asocijacije te u slučajevima i na način određen zakonom.

Član 49.


U slučaju da se ne održi Skupština Asocijacije imovina će privremeno biti predana odnosno preuzeta od strane Muzičke akademije Sarajevo.

Član 50.

Predsjednik ili Sekretar Asocijacije dužni su podnijeti prijavu o prestanku rada Asocijacije nadležnom organu radi brisanja Asocijacije iz Registra udruženja.

Broj: 01-2/11
Sarajevo, 20.10.2011.




Vermina Durmo
Predsjednik Skupštine
Vermina Durmo